

~~01420~~

05130



醫說卷第十

小兒

小方

孫思邈千金方曰小兒六歲以下黃帝無說中
古有巫妨始撰顛顛經以占壽夭自茲始有小
方則小兒方藥始於巫妨也

善醫小兒

杜任郎中善醫里人王奉職宗簡時仕於汶陽
時有郡人孟生家甚温厚惟一子方數歲抱疾



他醫數人治之無驗召任治之數日而良已踰
月而平復人詢任曰君以何藥主之任語之故
其人驚曰公所言皆藥之至溫者也他人不取
君用之能起其疾其義可聞乎任曰孟生富家
也而衆醫皆用犀珠金銀主之其性至涼久則
寒其胃又從而投之由是多不喜食日益羸瘠
則潰其元失其本矣吾之劑先溫其胃使其飲
食如故然後攻其他疾是以先壯其本而無失
者焉又知杜君之善醫也如此

青箱
雜記

瘡豆禁雞鴨子

療病豌豆瘡欲無癩頻搗去痂勿令隱肌乃不成癩縱搗傷有微血但以面膏塗無苦也瘡家不可食雞鴨卵即時盲瞳子如卵白其應如神不可不戒

良方

小兒夜啼

井口邊草主小兒夜啼着母蓆薦下勿令知之

酉陽雜俎

小兒不可食雞

養生論曰雞肉不可令小兒食食之令生蛇蟲

又令體消瘦杜陽雜編

治兒語遲

社壇餘酢酒治孩兒語遲以少許喫吐酒噴屋

四角辟蚊蟲本草

兒得母寒下痢

東陽陳叔山小兒二歲得下痢嘗先啼日以羸困問華佗佗曰其母懷軀陽氣內養乳中虛冷兒得母寒故令不時愈佗與四物女苑元十日

即除

魏志

小兒感冷身熱

有小兒感冷身大熱惡寒此有表證用發汗藥汗出遂涼過一日復熱醫謂表解裏未解驗之服四順飲子利動臟腑一行遂涼隔一日又再熱醫云經熱未解驗之小便赤故知心熱未解服生氣湯遂涼過二日又熱其家無所措手醫曰脉已和非病也既發汗又利大小便其兒已虛陽氣無所歸皆見於表所以身熱以和胃氣

藥如六神散之類加烏梅煎今微覺有酸味收其陽氣歸自此全愈

小兒糞青

此脾虛生風之證也脾屬土其色黃糞黃則是脾家正色今乃青肝木剋脾也肝屬木其色青肝盛脾虛受肝之剋故糞青也當服益脾去風藥如半硫元加白附子蝎梢可以治之雖然小兒青糞拋下便青者是風冷也良久然後青者非病也小兒糞自然如此

小兒瀉後脚弱

小兒因患泄瀉或疳氣服藥瀉止却患咳嗽治
得咳嗽少愈以五六歲脚弱不能行師曰脾傳
肺故咳嗽肺傳腎故不能行脾屬土土生金金
生水故傳之腎腎主腰脚故不能行因用猪腰
子煎汁服五疳保童元半月遂能行

小兒得地氣方行

小兒未會行能坐不可常常抱在手中可以入
坐車能獨坐春夏坐於地上寒則以薦蓆襯之

人得地氣方能行惜之過當常抱持之所以當
行而不能行也萬物非土不生故小兒亦要得
地氣也

以上
醫錄

小兒初生畏寒

小兒初生候浴水未得且以綿絮包裹抱大人
懷中暖之及浴了亦當如此雖暑月亦未可遽
去綿絮漸漸去之乍出母腹不可令冒寒氣也
預煎下沸湯以瓶收之臨時漸煖不犯生水則
兒不生瘡如此一月為佳

小兒初生回氣

小兒初生氣欲絕不能啼者必是難產或冒寒所致急以綿絮包裹抱懷中未可斷臍且將胞衣置炭火爐中燒之仍燃大紙燈蘸油點之於臍帶上往來徧帶燎之蓋臍帶連兒臍得火氣由臍入腹更以熱醋湯捋洗臍帶須臾氣回啼哭如常方可浴洗了即斷臍帶

小兒初生服藥

小兒初生急以綿裹指拭盡口中惡血若不急

拭啼聲一出即入腹成百病矣亦未須與乳且先與拍破黃連浸湯取濃汁調朱砂細末抹兒口中打盡腹中舊屎方可與乳兒若多睡聽之勿強與乳則自然長而少病

小兒初生通大小便

小兒初生大小便不通腹脹欲絕者急令婦人以溫水先嗽口了吸嘔兒前後心并臍下手足心共七處每一處凡三五次漱口吸嘔取紅赤為度須臾自通不爾無生意有此證遇此法可

謂再生

小兒夜啼有四證

小兒夜啼有四證一曰寒二曰熱三曰重舌口
瘡四曰客忤寒則腹痛而啼面青白口有冷氣
腹亦冷曲腰而啼此冷證也熱則心躁而啼面
赤小便赤口中熱腹煖啼時或有汗仰身而啼
此熱證也若重舌口瘡則要乳喫口到乳上便
啼身額皆微熱急取燈照口若無瘡舌必腫也
客忤者見生氣忤犯而啼也

小兒傷乳食發熱

小兒傷乳及食者或時發熱熱有退時熱退後但肚熱或夜間熱者此傷乳食也其糞有酸臭氣異常千金紫元主之

小兒發熱治法

小兒積熱者表裏俱熱則遍身皆熱頰赤口乾小便赤大便焦黃先以清涼四順飲子利動臟腑熱則去既去復熱者裏熱已解而表熱未解也當用惺惺散或紅綿散內加麻黃微發汗表

熱乃去表熱去後又發熱者何也世醫到此盡不能曉或再用涼藥或再解表或以謂不可醫誤致夭傷者甚多此表裏俱虛氣不歸元而陽浮於外所以再發熱非熱證也只用六神散入粳米煎和其胃氣則收陽氣歸內身體便涼熱重者用銀白散

小兒血熱

小兒血熱者每早食後發熱夜則涼世醫多謂虛勞或謂疳熱此血熱也宜用猪膽元

急慢驚風

小兒發癇俗云驚風有陰陽證因身熱面赤而發搐搦上視牙關緊硬者陽證也因吐瀉或只吐不瀉日漸面色白脾虛成冷而發驚不甚搐搦微微目上視手足微動者陰證也陽證用涼藥陰證用溫藥不可一槩作驚風治也又有一證欲發瘡疹先身熱驚跳或發搐搦此非驚風當服發散藥

小兒吐瀉用藥

小兒暑月多吐瀉其證不一宜詳審用藥不可
差謬有伏暑吐瀉小水必不利宜服五苓散香
薷散有傷食吐瀉者其吐及糞皆有酸臭氣宜
服感應元三方易知今不復載瀉多日口唇白
及糞色亦白及瀉糞頗多者因而成冷也宜以
前方六神散每二錢匕加附子末一錢匕煎作
三四服以防變痢也

小兒瀉痢

小兒暑月多瀉者一則伏暑心藏熱小水不利

清濁不分因成泄瀉可服五苓散或大順散二藥皆用沸湯調若小水快而瀉者冷瀉也宜於六神散內加附子煎服若肚大瀉色白者疝瀉也宜服官局六神元瀉者不可急以熱藥止之若以熱藥止之便變成痢凡病痢者皆因有積赤痢熱積也白痢冷積也赤白痢冷熱不調之積也赤多白少者熱多而冷少也白多赤少者冷多而熱少也

小兒解顱

小兒解顱曾有人作頭巾與裹遮護之久而自合亦良法也

瘡疹

小兒生未有不發瘡疹自一歲至十歲至十二三歲須發一次家有數小兒一兒病此餘即次第皆及之便當防慎其證有身熱頭痛如傷寒狀但不惡風唯惡熱所以異於傷風者唇紅尻骨及耳尖皆冷或腹痛眼澁及口舌皆痛腹痛者腹中先出眼澁者眼中先出咽喉及口舌痛

者皆先有瘡也。或如沙如粟米狀，或爲癩疹如風泛狀，皆其證也。熱輕者瘡亦輕，熱重者瘡亦重。方其身熱時，瘡未出，直待身涼方出，亦不可不知。其未出，亦須服藥。唯是認得證候，分明以投湯劑，庶不悞人性命也。未出時，只可服升麻湯、紅綿散、地龍散、消毒飲。此皆平平藥，或見兒身不甚熱，即飲少酒。熱甚者，不可飲酒。

瘡疹有表裏證

小兒瘡疹有表裏證。其瘡皮不薄如赤根白頭。

漸漸赤腫而有膿差遲者謂之木豆此裏證發於臟也其瘡皮薄如水泡破即易乾者謂之水豆此表證發於腑也發於臟者重發於腑者輕熱重者至有見鬼神目上視發搐搦如驚癇之狀世人誤認驚癇投以冷藥無不爲害者不可不慎也如覺熱太盛涎壅平平藥不可攻者宜以雄黃解毒元利之以減其毒須遍身以燈照子細看覩如未有紅點子出者可下之既出則不可利恐蓄伏也

醫說卷第
瘡疹黏衣用牛糞

小兒瘡疹出了變身潰膿沾黏衣衾睡卧不得者用臘月黃牛糞日乾燒灰鋪一寸許在床上令卧之其間瘡有大成片無皮及有成豆癰者皆用牛糞灰摻之即愈

剥瘡痂免成癍

小兒面上瘡子纔膿出急以真酥潤之類潤爲佳纔有瘡痂急剥去更潤之痂硬不落有礙肉生遂成癍子此理昭然人多不曉反謂剥早成

癩甚誤也

瘡疹不可洗面

小兒瘡疹不可洗面生水入眼即損眼也唯要忌口止可食粥及鯽魚青魚鵠子之類餘魚及猪羊肉皆不可食恐損眼也

瘡疹用臘脂塗眼

小兒瘡疹未出認得是此證急以臘脂塗眼週迴令瘡不入眼亦甚妙

瘡疹後服清涼飲子

小兒瘡疹皆出盡身已涼喜食物亦稍能轉動以清涼飲子濃煎量兒大小與之須利三二行即安樂後不發熱不腫腮不鼻衄不患痢世人不用此法者於此數證恐不能免也

小兒丹毒

小兒丹者風熱積毒所成冬間火烘衣藉不候冷以衣兒或夜間蓋覆太煖日間親火或姊兒喜食燒炙物飲酒之類皆致兒病丹也或發於手足或發於頭面曾背其熱如火輕輕着手則

痛不可忍急為砭出血為上策千金有服食并
塌湯皆可用

以上皆李左
司保生要方

小兒吐瀉後成慢驚

小兒吐瀉或成慢驚昏睡手足似搐而不甚搐
金液丹半兩白元子三錢同研極細生薑米飲
調下三錢多服乃效服至一二兩無害候胃氣
已生手足漸煖漸減金液丹增白元子以意詳
之

小兒初生不飲乳

小兒初生不飲乳及不小便妳汁二合葱白一
寸分四破右以銀石器煎取一合注子灌立愈

方集驗

兒臍血出

小兒初生未滿月多啼叫致臍中血出以白石
脂末貼之即愈未愈微微炒過放冷再貼仍不
得剝揭

兒臍久不乾

當歸焙乾爲末右着臍中頻用自差予家小兒

病臍濕出膿及清水者五十餘日一傳而乾後
因尿入瘡復病又得傳愈

良方

薏苡浴兒

薏苡葉煎湯浴初生嬰兒一生少病暑月可作

熟水暖胃益氣血

瑣碎錄

臍風撮口

小兒初生一七內忽患臍風撮口百無一活坐
視其斃者皆是良可憫有一法極驗世罕有知
者凡此兒齒齦上有小泡子如粟米狀以溫湯

蘸熟帛裹手指輕輕擦破即口開便安不用服

藥神妙

保生方

瘡

瘍生於頰

雄黃治瘡瘍尚矣周禮瘍醫凡療瘍以五毒攻之鄭康成注云今醫方合五毒之藥用黃螯置石膽丹砂雄黃礬石磁石其中燒之三日三夜其煙上著以雞羽取之以注創惡肉破骨則盡出揚大年嘗筆記其事族人楊嶠年少時有瘍

生於頰連齒輔車外腫若覆甌內潰出膿血不
輟吐之痛楚難忍療之一百方彌年不差人語之
依鄭法製藥成注之瘡中少頃朽骨連兩牙潰
出遂愈後更安寧信古方攻病之速也黃螯即
瓦合也

本事方

木癡成瘡

南方多雨有物曰木癡其大槩類鼻涕積陰而
生于古木之上聞人氣則閃閃而動人過其下
有墮于人體間者即立成瘡久則遍其肌體時

醫談卷第
有客患其木癡之瘡遇一道士謂曰以朱砂麝香塗之當愈客如其言果愈

耳塞敷瘡

鄭師甫云嘗患足上傷手瘡水入腫痛不可行步有丐者令以耳塞敷之一夕水盡出愈

邵氏見聞

錄

壁土治瘡爛

暑月肌膚瘡爛或因搔成瘡者林才中嘗暑中卧病肌膚多瘡爛汁出有一乳姥曰此易差也

取乾壁土揉細末傅之隨手即差

良方

治瘡久不合

露蜂房蛇蛻皮亂髮各燒灰存性取一錢匕酒

服治瘡久不合

東坡大金

治下疳瘡

有富家子唐靖年十八九未娶忽於陰頭上生瘡初只針眼來大小畏疼不敢洗刮日久攻入皮肉連莖爛一二寸許醫者止用膏藥貼之愈疼亦無人識此瘡有貧道周守真曰此謂下疳

瘡亦名妬精瘡緣爲後生未娶精氣溢盛陽道
興起及當泄不泄不泄強泄脹斷嫩皮怕疼痛
失洗刮攻入皮內日久遂爛有害却命者靖告
先生爲治之守真曰若欲治此疾須是斷房事
數日先用荆芥黃皮馬鞭草甘草剉入葱煎湯
洗之去膿幣以訶子燒灰入麝香乾摻患處令
睡睡醒服冷水兩三口勿令陽道興起脹斷瘡

屨屨堅即較

庚志

遍身患瘡

凡人患瘡遍身有百藥不效者用檳榔一箇為細末生硫黃一錢同研細入膩粉一錢和均每用一錢安手心內油調塗外腎不得洗手但擦手令乾可也一兩日間瘡便愈

賺瘡

有一種賺瘡赤腫而痛用黃連黃蘗之類皆涼藥也久而不愈其瘡冷矣却當用溫藥如鹿角灰頭髮灰乳香之類治之當愈此陰陽寒暑往來之理也

醫餘

豐瘍

人身血氣周身不知幾千息人血行而擁則瘡
癰於虛穴處則生核謂之豐瘍豐瘡生也瘡差

核亦消

東坡物類
相感志

獺髓補瘡

吳孫和寵鄧夫人嘗醉舞如意誤傷鄧頰血流
嬌惋彌苦命太醫合藥言得白獺髓雜玉與琥
珀屑當滅此痕和以百金購得白獺乃合膏琥
珀太多及差痕不滅左頰有赤點如誌

酉陽
雜覩

石菖蒲愈瘡

有人患遍身生熱毒瘡痛而不痒手足尤甚然
至頸而止粘着衣被曉夕不得睡痛不可任有
下俚教以菖蒲三斗剉日乾之春羅爲末布薦
上使病人恣卧其間仍以被衣覆之既不粘着
衣被又復得睡不五七日之間其瘡如失後自
患此瘡亦如此應手神驗其石菖蒲絡石者節
密入藥須此等

風熱細癩

醫說卷第十
有人病遍身風熱細癩痒痛不可任連胷脛臍
腹及近隱處皆然痰涎亦多夜不得睡以苦參
末一兩皂角二兩水一升揉濾取汁銀石器熬
成膏和參末為元桐子大三二十元溫水下食
後次日便愈

風毒濕瘡

有婦人患臍下腹上下連二陰遍滿生濕瘡如
馬瓜瘡他處並無痒熱而痛大小便澀出黃汁
食亦減身面微腫醫作惡瘡治用鰻鱧魚松脂

黃丹之類藥塗上瘡愈熱痛愈甚治不對故如此問之此人嗜酒貪啗喜魚鰕發風之物急令用溫水洗拭去膏藥尋以馬齒莧四兩爛研細入青黛一兩再研均塗瘡上即時熱減痛痒皆去仍服八正散日三服分散客熱每塗藥得一時久藥已乾燥又再塗新濕藥凡如此二日減三分之一五日減三分之二自此二十日愈既愈而問曰此瘡何緣至此曰中下焦蓄風熱毒氣若不出當作腸癰內痔仍須常禁酒及發風

物然不能禁酒果然患內痔

三說本
草行義

患瘡

踐壞竈土令人患瘡踏雞子殼令人得白癩風

魚臍瘡

皇祐中學究任道腿間患一瘡始發赤腫復絕
便變黑後穴則有黃水出四邊浮漿起累治不
差醫王通看之此瘡狹長似魚臍下瘡也遂以
大針針四向并中隨針有紫赤水汁出如豆汁
言此一因風毒蘊結而成二因久坐血氣凝澁

而致三因食肉有人汗落其間也道曰素好讀書而久坐此疾數歲前夏月道中買猪脯味水飯疑似人肉食已後得斯疾通曰與誤食人汗不遠矣以一異散子用雞子清調傳其瘡日三易數日得愈道堅求其方通曰止用雪玄一味自後累訪名醫求其雪玄何物醫皆不識道因至許鄭間會醫者郝老曰嘗記聖惠有一方治此疾用臘月猪頭燒灰以雞子清調傳此乃是也雪玄非郝老博學多記後醫豈不惑耶

頭瘡禁用水銀

小兒頭有瘡有虱切不可用水銀擦自瘡而入
經絡必緩筋骨百藥不能治醫方併云人有患
漆瘡者不可以朱漆器炙熱熨之恐朱中有水
銀入經絡也黑漆器則不妨此方正類以生草
烏塗白禿以巴豆薰痔而致死者

瑣碎錄

治惡瘡

南豐市民嚴黃七兩足生瘡臭穢潰爛衆皆驅
斥不容迹出貨角器於村野而旅邸又不容至

京潛投宿於五夫人祠下夜半遭黃衣吏訶逐
曰何人敢以腐穢脚觸汚此間謝曰不幸纏惡
疾無處見容冒死來此紛拏次夫人抗聲令勿
逐且呼使前曰吾授汝妙方用漏籃子一枚生
乾爲末入賦粉少許井水調塗當效嚴拜謝依
而治之果愈

類編
同上

治善惡瘡

仁宗在東宮時嘗患詐腮命道士贊能治療取
赤小豆四十九粒呪之雜他藥爲末傳之而愈

中貴任承亮在傍知狀後承亮自患惡瘡瀕死
尚書郎傳求授以藥立愈問其方赤小豆也承
亮始悟道士之技所謂誦呪乃神其術爾又之
公官過豫章或苦脅疽幾達五臟醫者治之甚
捷承亮曰君得非用赤小豆邪醫驚拜曰某用
此活三十口願勿復宣言周少隱病宗室彥符
傳之曰善惡諸瘡無藥可治者皆能治有僧發
背狀如爛瓜周鄰家乳婢復疽作用之皆如神
其法細末水調傳瘡及四傍赤腫藥落再傳之

同上

搔髮際成竅出血

頃有一人指縫中因搔痒遂成瘡有一小竅血
濺出不止用止血藥及血竭之類亦無效數日
遂不起後有一人於耳後髮際搔痒亦有一小
竅出血與前相似人亦無識者適有一道人言
此名髮泉但用多年糞桶隨曬乾燒灰傳之當
愈果如其言使前指縫血出遇此亦必愈

病肥脉

許慎云人病肥脉癭疹當取人姓曹氏帛布拭之則愈也

傅瘡

燈花末傅金瘡止血生肉令瘡黑今燭花落有喜事不爾得錢之兆也

草本

病癩

趙瞿病癩歷年醫不差乃賫糧棄送於山穴中瞿自怨不幸吁嘆涕泣經月有僊人經穴見之哀之具問其詳瞿知其非常人叩頭自陳乞命

於是僊人取囊中藥賜之教其服百餘日瘡愈
顏色悅肌膚潤僊人再過視之瞿謝活命之恩
乞遺其方僊人曰此是松脂彼中極多汝可煉
服之長服身轉輕力百倍登危陟險終日不困
年百歲齒不墮髮不白夜卧嘗見有光大如鏡

抱朴子

脚瘡

有人患脚瘡冬月頓然無事夏月臭爛疼痛不
可言一道人視之曰爾因行草上惹着蛇交遺

瀝瘡中有蛇兒冬伏夏出故疼痛也以生蝦蟆
搗碎傅之日三四換凡三日有一小蛇自瘡中
出以鐵鉗取之其病遂愈

撫青
雜說

黃連愈癬

指揮使姚歡年八十餘鬚髮不白自言年六十
歲患癬疥周匝頂踵或教服黃連遂愈久服故
髮不白其法以宣連去鬚酒浸一宿焙乾為末
蜜元桐子大日午臨卧酒吞二十粒

東坡
大全

五絕病

五絕

五絕病者一曰自縊死氣已絕二曰墻壁屋崩
壓死氣已絕三曰溺水死氣已絕四曰鬼魘死
氣已絕五曰產乳死氣已絕並能救治之問葛
生授何人得此神術能活人命生曰我因入山
採藥遇白衣人問曰汝非葛醫生否我乃半夏
之精汝遇人有五絕之病用我救治即活但用
我作末水元令乾入鼻中即生矣

名醫錄

治卒死

醫言卷第十
劉太丞毗陵人有鄰家朱三只有一子年三十
一歲忽然卒死脉全無請太丞治之取齊州半
夏細末一大豆許納鼻中良乂身微暖氣更甦
迤邐無事人問卒死太丞單方半夏如何活得
死人荅曰此南岳魏夫人方出外臺祕要

凍死

人路逢淒風苦雨繁霜大雪衣服沾濡冷氣入
臟致令陰氣閉於內陽氣絕於外榮衛結澁不
復通故致噤絕而死若早得救療血溫氣通則

生又云凍死一日猶可活過此則不可也

溺死

人爲水所沒水從孔竅入灌注臟腑其氣壅閉故死若早拯救得出則泔瀝其水令氣得通便得活也又云半日及一日猶可活氣若已絕心上暖亦可治

自縊

人有不得志意者多生忿恨往往自縊若覺早雖已死徐徐捧下其陰陽經絡雖暴壅閉而臟

腑真氣未盡所以猶可救若遽斷其繩則氣不能還不得生又云自旦及暮雖冷猶可活自暮至旦則難活此謂晝則陽盛其氣易通夜則陰盛其氣難通又云夏熱易治氣雖斷而心微溫一日以上猶可活

夏月熱倒人法

暑月熱倒人昏迷悶亂急扶在陰涼處切不可與冷飲當以布巾衣物等蘸熱湯覆臍下及氣海間續續以湯淋布巾上令徹臍腹但暖則漸

醒也如倉卒無湯處掬道上熱土於臍端以多
爲佳冷則頻換也後與解暑毒藥若纔熱倒便
與冷飲或用冷水淋之類即死舊有一法或道
塗無湯去處即掬熱土於臍上仍撥開作窩子
令衆人旋溺於其中以代熱湯亦可取效解暑
用白虎湯竹葉石膏湯之類凡覺中暑急嚼生
薑一大塊冷水送下如已迷悶嚼大蒜一大瓣
冷水送下如不能嚼即用水研灌之立醒路中
倉卒無水渴甚急嚼生葱二寸許和津同嚥可

抵飲水二升

集驗方

疝痺痺

湧疝

齊郎中令循病衆醫皆以爲蹶入中而刺之淳于意診之曰湧疝也令人不得前後洩循曰不得前後洩三日矣意飲以火齊湯一飲得前洩再飲大洩三飲而疾愈病得之內所以知循病者切其脉時右口氣急脉無五臟氣右口脉大而數數者中下熱而湧左爲下右爲上皆無五

臟應故曰湧疝中熱故溺赤也

氣疝

齊北宮司空命婦出於病衆醫皆以爲風入中
病主在肺刺其足少陽脉淳于意診其脉曰病
氣疝客於膀胱難於前後溲而溺赤病見寒氣
則遺溺使人腹腫出於病得之欲溺不得因以
接內所以知出於病者切其脉大而實其來難
是蹶陰之動脉也脉來難者疝氣之客於膀胱
也腹之所以腫者言蹶陰之絡結小腹也蹶陰

有過則脉結動動則腹腫意即灸其足蹶陰之
脉左右各一所即不遺溺而溲清小腹痛止即
更爲火齊湯以飲之三日而疝氣散即愈

牡疝

安陵阪里公乘項處病溲于意診脉曰牡疝牡
疝在膈下上連肺病得之內意謂之慎無爲勞
力事則必嘔血死處後蹶踰要蹶寒汗出多即
嘔血意復診之曰當旦日日夕死即死病得之
內所以知項處病者切其脉得番陽番陽入虛

裏處旦日死一番一絡者牡疝也意曰他所診
期決死生及所治已病衆多頗忘之不能盡識
不敢以對

肺消癯

齊章武里曹山跗病淳于意診其脉曰肺消癯
也加以寒熱即告其人曰死不治適其共養此
不當醫治法曰後三日而當狂妄起行欲走後
五日死即如期死山跗病得之盛怒而以接內
所以知山跗之病者意切其脉肺氣熱也脉法

曰不平不鼓形弊此五臟高之遠數以經病也
故切之時不平而代不平者血不居其處代者
時參擊並至乍躁乍大也此兩絡脉絕故死不
治所以加寒熱者言其人尸奪尸奪者形弊形
弊者不當關灸鏡石及飲毒藥也臣意未往診
時齊太醫先診山跗病灸其足少陽脉口而飲
之半夏元病者即洩注腹中虛又灸其少陰脉
是壞肝剛絕深如是重損病者氣以故加寒熱
所以後三日而當狂者肝一絡連屬結絕乳下

陽明故絡絕開陽明脉陽明脉傷即當狂走後
五日死者肝與心相去五分故曰五日盡盡則
死矣

腎痺

齊王黃姬兄黃長卿家有酒召客召淳于意諸
客坐未上食意望見王后弟宋建告曰君有病
往四五日君腰脅痛不可俛仰又不得小溲不
亟治病即入濡腎及其未舍五臟急治之方今
客腎濡此所謂腎痺也宋建曰然建故有腰脊

痛往四五日天雨黃氏諸倩倩者女婿也見建家京

下方石京者倉廩之屬即弄之建亦欲效之效之不能

起即復置之暮腰脊痛不得溺至今不愈建病

得之好持重所以知建病者臣意見其色太陽

色乾腎部上及界要以下者枯四分所故以往

四五日知其發也意即以柔湯使服十八日所

而病愈

曾痺

古有患曾痺者心中急痛如錐刺不得俛仰蜀

醫爲胃府有惡血故也遂取生韭數斤搗汁今服之即果吐出胃中惡血遂差又蕭病謂小兒初生宜與韭根汁灌之吐出惡血長則無病驗韭能歸心氣而去包中惡氣治胃中也

名醫錄

熱病氣

齊中御府長信病淳于意入診其脉告曰熱病氣也然暑汗脉少衰不死曰此病得之當浴流水而寒甚已而熱信曰唯然往冬時爲王使於楚至莒縣陽周水而莒橋梁頗壞信則擊車轅

未欲渡也馬驚即墮信身入水中幾死吏即來
救信出之水中衣盡濡有間而身寒已熱如火
至今不可以見寒意即爲之液湯火齊逐熱一
飲汗盡再飲熱去三飲病已即使服藥出入二
十日身無病者所以知信之病者切其脉時并
陰脉法曰熱病陰陽交者死切之不交并陰并
陰者服順清而愈其熱雖未盡猶活也腎氣有
時間濁在太陰脉口而希是水氣也腎固主水
故以此知之失治一時即轉爲寒熱

脾氣

齊丞相舍人奴從朝入宮溲于意見之食閨門外望其色有病氣意即告宦者平平好爲脉學臣意所意即示之舍人奴病告之曰此傷脾氣也當至春膈塞不通不能食飲法至夏泄血死宦者平即往告相曰君之舍人奴有病病重死期有日相君曰卿何以知之曰君朝時入宮君之舍人奴盡食閨門外平與倉公立即示平曰病如是者死即召舍人奴而謂之曰公奴有病

醫言卷第一
三
不舎人曰奴無病身無痛者至春果病至四月
泄血死所以知奴病者脾氣周乘五臟傷部而
交故傷脾之色也望之殺然黃察之如死青之
茲衆醫不知以爲大蟲不知傷脾所以至春死
病者胃氣黃黃者土氣也土不勝木故至春死
所以至夏死者脉法曰病重而脉順清者曰內
關內關之病人不知其所痛心急然無苦若加
以一病死中春一愈順及一時其所以四月死
者診其人時愈順愈順者人尚肥也奴之病得

之流汗數出灸於火而以出見大風也

史以上記

脾瘰

有病口甘者五氣之溢也名曰脾瘰有病口苦者名曰膽瘰

胃疽

已食如飢者胃疽胃熱則消穀也面腫曰風足脛腫曰水目黃曰黃疽

醫功報應

許學士

許叔微少嘗以登科爲禱一夕夢神告曰汝欲
登科須憑陰德叔微自念家貧無力惟醫乃可
於是精意方書又乃通妙人無高下皆急赴之
旣而所活愈多聲名益著復夢其神受以一詩
曰藥有陰功陳樓間處堂上呼盧喝六作五是
年登第六名進士第上一名陳祖言下一名樓
材及注闕用升甲恩如第五名授職官以歸與
詩中之言無一字差此則濟人之病急者也

聶醫善士

儀州華亭人聶從志良醫也邑丞妻李氏病垂死治之得生李氏美而淫慕聶之貌他日丞往旁郡李僞稱疾使邀之伺其至語之曰我幾入鬼錄賴君復生顧世間物無足以報德願以此身供枕席之奉聶驚懼趨而出迨夜李復盛飾而就之聶絕袖脫去乃止亦未嘗與人言後歲餘儀州推官黃靖國病陰吏逮入冥證事且還行至河邊見獄吏捽一婦人剖其腹濯其腸而滌之傍有僧語曰此乃子同官某之妻也欲與

醫者聶生通聶不許可謂善士其人壽止六十
以此陰德遂延一紀仍世世賜子孫一人官婦
人減筭如聶所增之數所以蕩滌腸胃者除其
淫也靖國素與聶善旣甦密往訪之聶驚曰方
私語時無一人聞者而奔來之夕吾獨處室中
此唯婦人與吾知爾君安所得聞靖國具以告
聶死後一子登科其孫圖南紹興中爲漢中維
縣丞屬僊井喻迪孺汝礪作隱德詩數百言以
發潛德此不復載

夷堅志

用詭道以劫流俗

王居安秀才久苦痔疾聞蕭山有善工力不能
招致遂命舟自烏程走錢塘舍於靜邱中使人
迎醫醫絕江至杭既見欣然爲治藥餌且云請
以五日爲期可以除根本初以一藥放下大腸
數寸又以一藥洗之徐用藥線結痔信宿痔脫
其大如桃復以藥餌調養數日遂安此工初無
難色但放下大腸了方議報謝之物病者知命
懸其手盡許行橐所有爲酬方肯治療又玉山

周僅調官京師舊患膀胱氣外腎偏墜有貨藥
人云只立談間可使之正約以萬錢及三縑之
報相次入室中施一針所苦果平周大喜即如
數負金帛而去後半月其疾如故使人訪醫者
已不見矣古之賢人或在醫卜之中今之醫者
急於聲利率用詭道以劫流俗殆與穴坯挾刃
之徒無異予目擊二事今書之以爲世警

泊宅編

徐樓臺

當塗外科醫徐樓臺孫大郎於紹興八年療溧

水縣蠟山富民江舜明背疽因邀謝錢三百千之外復覓銀二十五兩未許遂以紙撚點藥入瘡痛甚致斃不一年徐病熱哀叫不絕但云舜明莫打我數日死其子隨母改嫁其醫遂絕

丁志

符助教

宣城符裏鎮人符助教治癰疽操心亡狀病者瘡不毒先以藥發之忽一黃衣卒來持片紙示之云陰司追汝以藤杖點其背符大叫痛黃衣曰汝元來也知痛隨手成大疽而死

水陽陸醫

宣城管內水陽村醫陸陽字義若以技稱建炎中朱莘老編修妻避寇驚憂致疾陸誤投以小柴胡湯殺之溧水高淳鎮李氏子病瘵召之用功未效從出娼家飲索錢并酒饌不與投以剛劑數十粒又殺之紹興九年陸暴病呼曰朱宜人李六郎休打我我便去也旬日死

同上

醫僧瞽報

溫州醫僧法程字無枉少瞽百端治之不愈但

晝夜誦觀世音菩薩名號如是十五年夢中聞
菩薩呼之使前若有物繫其足不可動菩薩歎
曰汝前世爲灸師誤灸損人眼今生當受此報
難以免但吾憐汝誠心當使汝衣食豐足遂探
懷中掬寶珠滿手與之既寤醫道大行衣鉢甚
富至七十餘猶在

甲志

下胎果報

京師有一婦人姓白有美容京人皆稱爲白牡
丹貨下胎藥爲生忽患腦疼日增其腫名醫治

之皆不愈日久潰爛臭穢不可聞每夜聲喚遠
近皆聞之一日遂說與家中云我所蓄下胎方
盡爲我焚之戒子弟曰誓不可傳此業其子告
母云我母因此起家何棄之有其母曰我夜夜
夢數百小兒啞我腦袋所以疼痛叫喚此皆是
我以毒藥壞胎獲此果報言訖遂死

名醫
錄

段承務

宜興段承務醫術精高然貪顧財賄非大勢力
者不能屈致翟忠惠公居常熟欲見之不可諉

平江守梁尚書邀之始來既回平江適一富人
病來謁醫段曰此病不過湯藥數劑可療然非
五百千爲謝不可其家始許半酬拂衣去竟從
其請別奉銀五十兩爲藥資段求益至百兩乃
出藥爲治數日愈所獲西歸中塗夜夢一朱衣
曰上帝以爾爲醫而厚取賄賂殊無濟物之心
命杖脊二十遂勅左右捽而鞭之既寤覺脊痛
呼僕視之捶痕宛然還家未幾而死

己志

鮑君大王

明州人家女旣嫁歸寧媵妾幽蘭從羣婢往後園挑菜忽悶眩仆地言語無倫如有憑附扶至房半日方醒問其故曰吾必死矣吾前生是河北眼科醫有村媪獨處病赤目吾陰利其貲投轉藥殺之盡掩室中之藏外無一知者媪訴諸東嶽命逮治而吾冥數未竟不可尋索後二十年前身死又注生此州媪父抱恨泉壤復往訴嶽帝憐之擇健駛賫文書詣天下郡縣求訪殆遍末乃到浙東旣至此將入城闈卒呵問示以

文書卒曰是檄城隍符耳吾城中事乃鮑君大王主之城隍無預拒不得入駛與媪迤邐至城外三十里高橋下潛伏累日別有鬼吏從西來亦駐橋邊與嶽駛更問訊吏曰吾正隸鮑君爲急足近往洞庭君山廟投書回幸此相遇吾極念汝能從吾行當祈城卒令入也二人拜謝偕往果得入徑詣鮑君殿下呈檄鮑君展視曰此檄城隍神也汝何自而入駛悉以實告鮑君呼曩吏曰只差汝同追吏聲喏挾駛媪同出數日

不值一夕到秋家巷聞老婦燒夜香者祝云有
女子在某宅為從嫁其詞云云媪欣然曰冤家
可得矣趨至吾居而門神不納又伏藏後園適
方審認已為冥中所錄行且就逮宿世冤債定
無脫理家人欲召巫史救之未暇媵自持刀剔
雙目而死

戊志

醫不貪色

宣和間有一士人抱病經年百治不瘥有何澄
者善醫其妻召至引入密室中告之曰妾以良

人抱疾日久典賣殆盡無以供醫藥之資願以身相酬醫正色拒之曰小娘子何爲出此言但放心當爲調治取效切不可以此相污萬一外人知之非獨使其醫藥不效不有人誅必有鬼責未幾其夫疾愈何澄一夕夢人引入神祠有判官語之汝醫藥有功不於艱急之際以色慾爲貪亂良人婦女上帝令賜汝錢五萬貫官一資未數月東宮得疾國醫不能治有詔召草澤醫澄乃應詔進劑而愈朝廷賜錢三千貫與

初品官自後醫道盛行京師號爲何藥院家

醫以救人爲心

醫者當自念云人身疾苦與我無異凡來請召
急去無遲或止求藥宜即發付勿問貴賤勿擇
貧富專以救人爲心冥冥中自有祐之者乘人
之急故意求財用心不仁冥冥中自有禍之者
吾鄉有張彥明善醫僧道貧士軍兵及貧者求
藥皆不受錢或反以錢米與之人來請召雖至
貧下亦去富者以錢求藥不問多寡必多與藥

期於必愈未嘗萌再携錢來求藥之心病若危
篤亦多與好藥以慰其心終不肯受錢予與處
甚久詳知其人爲醫而口終不言錢可謂醫人
中第一等人矣一日城中火災周回爇盡煙焰
中獨存其居一歲牛災尤甚而其莊上獨全此
神明祐助之其子讀書乃預魁薦孫二三人皆
厖厚俊爽亦天道福善之信然也使其孜孜以
錢物爲心失此數者所得不足以償所失矣同
門之人可不鑑哉

醫說卷第十



醫說卷第十

伏讀張君季明醫說無非濟人拯物之事而將之呂至誠三世授受相傳一脉是可嘉尚也已余來新安恨識之晚將虛心而訪以求衛生之經云嘉定甲申春三月中澣星江彭方書于古歙歲寒堂

醫意也果可以紙上索乎雖曰不知書而曰我知醫余不信也知書矣而未之廣猶不知書也張君季明示余醫書一編載古

今事跡至纖悉蓋其生平目覽耳聽凡涉
於醫者必錄錄必以其類今老矣搜訪尚
不輟將成一家之書以傳于世張世以醫
名世者季明用心之勤如此其能世其世
可知也季明有子字九萬隸業郡庠性敏
而能文使以季明勤於醫之心而勤於學
其能爲張氏大門戶亦可知也噫季明之
用心如此其必有子以大門戶又可知也
是則季明末編報應之說嘉定甲申首夏

末澣四明李以制書

右張季明醫說季明儒生也集是說以傳
于世人多笑其流于伎不知真儒生之用
心也使世之醫者皆以季明之心爲心雖
庸醫足以爲良醫苟以駟僧之心處之雖
良醫且庸矣况本庸耶近世士夫所以每
歎所在無良醫人之疾病不得盡其理而
死者亦衆然豈真無良醫耶不仁之心壞

之也季明之伯祖子克以醫術受知於忠
宣范公名滿京洛察脉語證妙出意表略
無毫髮隱情諸公待之如神人蓋已能儒
其心矣季明父祖能世其業季明又能力
學以求古人之用心則凡有可以廣人之
聞見使其知所趨避以自免於疾與夫參
稽已驗之效有疾而自能處其疾不爲庸
醫所誤是季明之仁術也則是說之集安
可以伎而笑之耶况季明之於醫自有得

其伯祖之祕傳以是心而行是伎季明其
儒醫之良者也使其得科第而登仕籍其
仁民之心又當如何耶此予所以喜之而
與題其後云開禧丁卯七夕建安江疇跋

余曩讀千金方間遇一二竒證扣諸醫莫
能識疑蓄既久因念華佗不世出將終無
所質究及分教新安始得張君季明所謂
醫說者而閱之於是前者之疑渙然釋豁

然悟而且嘆曰是說其有濟於世也博矣
按其伯祖子克生於皇朝元符間嘗從
蜀王朴學太素能知人貴賤禍福受其衣
領祕藏素書甚詳後以此活人不可勝計
季明其傳也夫柰近世醫道之壞謬悠無
耻之徒崇飾疑誤援據臆說欺世盜名至
附以隱僻竒怪使人不易通曉季明疾之
因博採傳記攷古援今遠追昔人素書之
遺近質當世謾聞之妄推見至真開悟後

學紀次殆千餘條或繇夢感或與神遇積
衆口已效之傳而病證方論若合符契畧
無一事牴牾其視餘子之淺近迂誕者不
可同年而語矣昔楊子雲憫百氏之爭鳴
獨推五經以爲衆說郭然則季明之書其
亦說郭之謂歟若夫用志之勤推心之厚
增衍陰騭以昌大厥嗣是又無可疑者故
書此以遺之寶慶丁亥十二月望日東陽

徐杲書

越帥待制汪公鎮越累年未嘗不以濟人
救物爲心興利除害爲事一日以張氏醫
說巨編示興俾校正其訛謬將鋟梓以廣
其傳興因整襟肅容而觀之見其叙醫家
之本末疾病之精微無慮數十萬言吁何
其詳且博也夫醫之道大矣自神農黃帝
岐伯雷公而下無非聖哲開其源賢智導
其流故能拯黎元之疾苦贊天地之生育
世道旣降士大夫以此爲技藝不屑爲之

而畀之凡流故以至精至妙之理而出於
至卑至淺之思其不能起人之疾反以夭
其命者多矣此范文正公所以自謂不遇
則願爲良醫前輩亦云治病而委之庸醫
比之不慈不孝也抑興思之自昔卓然名
家者如和緩扁鵲淳于意張仲景孫真人
及脉訣等書其論醫也莫不以保養爲先
藥石爲輔至於察形診脉必致辨於毫芒
疑似之末而深痛夫世之醫者苟簡虛憍

之習也是書所載大畧舉矣而以序冠其前者顧乃以醫之伐病如將之伐敵當用背水陣以決勝是徒見夫華佗之說時出其間而或有以竒捷之方拯人之危者爾愚觀近世賢士有爲證類本草者其說謂道經畧載扁鵲數法其用藥猶是本草家意至漢淳于意及華佗等方今時有存者皆條理藥性惟仲景一部最爲衆方之祖但其善診脉明氣候以意消息之爾至如

國朝書名
六

剗腸剖臆刮骨續筋之法乃別術所得非
神農家事至哉爲論足以發明是書之大
旨矣興旣爲辨其舛誤芟其蕪類而間以
所聞於記錄者稍附益之且以其管見復
於公庶幾不負委屬之意云紹定改元孟
夏望日門下士山陰諸葛興謹書

余向觀書華陽顧氏見有殘宋本程自說曾借
歸手校一遍核時周文香嚴有覆宋本漫借系
校本傳錄一本蓋意照其所校也去冬顧氏原
本歸集中多疑木板心有莫辨處大匡者嚴借
傳校亦勤知系校本之多訛謬尚香嚴而
之也謹就宋刻存者一字句細校之方可謝年
此謬誤之過而蓋信之不少不藏宋本也此
時覆本不多見故用以校宋者乃所刻本所知
本亦有二句用為校宋者所明知之者勝於然
中多謬誤校時不及檢點故爾也此書則一

一旬但存泉初也新補之起皆不可信印有慶
 幸得原本較之不可信况以初之不自名乎万二再
 有之宋刻出姓之補此我法身不以此殘宋
 刻本不己之希世寶物耶余故且得而收之
 又且得而裝卷之而印仲春二十有九日後為



張杲醫說十卷四庫著錄自明以來翻刻改訂者有嘉靖癸卯鄧正初本嘉靖甲辰顧定芳本嘉靖丙午藩藩本萬曆己酉張堯直本朝鮮活字本日本翻印本周恭續編本其宋刊原本見於著錄者祇此黃堯圃汪閔源丁松生舊藏今在益山書庫之十卷及羣碧樓鬻之中央研究院之九卷經籍訪古志所載九十兩卷今存日本圖書寮者耳鄧正閤得於廠肆者無第二卷以明刻配補固不逮丁書之具足十卷丁書亦

有殘損嘗以它本鈔補字迹既劣與目錄亦不
盡合丁氏嘗以瀋瀋十行本與此宋刊對勘惜
其未見顧定芳本不能推見諸刻遞嬗之迹也
今年春館中又購得顧本其行格一準宋本參
校三書得失具見爰就宋本闕字依顧本補寫
其全葉均脫者以顧本配之亟付景印以餉學
者儻亦黃丁諸先生所欣許乎景之家世見第
三卷太素之妙條可補宋史方伎傳是書取材
之富槩印之精提要及訪古志言之綦詳固今

日治國醫研故書者所當胝沫抑吾聞時賢盛
倡抽印四庫珍本之說妄謂閣書迺錄校勘率
未精案似宜依據提要訪求公私藏皮初刻精
印為之流布當瘡於四庫鈔胥之本謹舉此以
為先河云癸酉夏五月鎮江柳詒徵